

二品頂戴內閣總督等百餘跪
謹理廣東巡撫布政使等百餘跪

奏為拏獲通盜引劫之奸徒及接濟匪犯查明分別辦理恭摺奏

聞事竊照洋匪出沒濱波膽敢乘潮內窺劫掠村莊必有土匪通盜引劫及接濟米穀食物情事經督百齡嚴飭沿海營縣緝拿查拏茲據廣東順德縣知縣周祚熙稟報協同帶兵堵禦之惠州協副將何君佐督帶兵役緝獲通盜匪犯何宗培一名等情又據惠州府和珩額稟報督同歸善縣知縣劉士葵海豐縣知縣張再英經歷董孝昌侯補縣丞王楷會營帶領兵役先後拏獲接濟匪犯朱長棟等九名稟解到府等情又據署陽江縣知縣金孝繼稟據海陵島司巡檢宋玉龍稟報會營盤獲接濟匪犯杜桂枝一名併搜獲盜單等情均經飭提解省咨辦據報案犯曾亞位高潮英溫亞勝於取供後病故經歸善番禺等縣驗報在案茲據委員將現犯審擬由司招解前來等因奉旨准其親加研鞠緣何宗培籍隸順德據供與盜首郭婆帶船內盜夥陳柏勝熟識曾托該犯代買酒米食物偷運出洋接濟盜匪二次遂與盜首郭婆帶識西七月初

四五等日郭婆帶等盜船窺入順德熟屬內河肆擾該犯何宗培因挾族人何輝韶借營不遂之嫌起意勾引洋盜郭婆帶等運糧駛赴該鄉圍劫指名向何輝韶勒銀打單何輝韶不依盤避該犯復聽從盜匪指使四處搜弄何輝韶父子欲拏送盜船嚇詐旋經該縣訪聞會營協同副將何君佐督帶兵役嚴訊實因該犯挾嫌通盜引劫冀圖勒索分贖並無同謀引劫

查例載沿海奸民潛通海賊同謀結聚及為鄉道劫掠良民者正犯比照謀叛已行律處斬梟示又奸徒將米穀豆麥雜糧偷運外洋接濟奸匪者擬絞立決又名例載斷罪無正條援引比附加減定擬各等語今何宗培以內地民人屢次偷運酒米食物接濟洋匪復因口角微嫌膽敢勾引洋盜前往圍劫代盜勒索打單不遂欲拏良民送至盜船藉圖報復嚇詐奸險兇狠莫此為甚何宗培除偷運酒米接濟罪止絞次不議外合依沿海奸民潛通海賊及為鄉道劫掠良民者正犯比照謀叛已行處斬梟

示例斬次梟示該犯情罪重大未便稍稽顯戮當於審明後恭請

王命飭委署按察使溫承志督標中軍副將張瓊將

該犯何宗培解赴市曹處斬仍傳首犯事地方

梟示以昭炯戒

御覽伏乞

皇上睿鑒勅部核覆施行謹

奏

刑部議奏

嘉慶十四年九月 望 日